

兩截動靜兩俱忘不得誇清潔性命穩栽排深藏精氣血萬神
自歡諧靈風透骨節上湊朱靈宮下通龍虎穴保養氣精神慎
勿輕心泄四海發雲光三山落白雪際會玄元宮絲絲無斷絕
水火自抽添周天自擺列神氣自然靈真師自提挈百骸自豁
暢容貌自然別日月自循環金丹自然結嬰兒自然欣姹女自
歡悅五氣自朝元四大俱調攝玄理自然通萬神自超越大道
自然成陸地自然別定正箇中真暗把心香蕪光散化成神神
光如電掣鍛鍊大丹成現出家家月一撞過三關仙班雲外列
開廓天地清陰靈飄蕩徹日月交光轉參羅碧凜冽圓光滿世
間說中非有說九轉大丹成永永超生滅清歌聒太空浩浩朝
道藏輯要

雲光集

卷

胃集九
八八七

金闕混元三界中囑付叮噓切東牟王一書傳此金丹訣

歌

朝元歌

靈寶堂金剛纂不假浮沈空漫漫默運天心不動移棲神一點
空無絆輓金精自澆灌湊聚煙霞天外伴開闢純陽運化生玄
宮法界都穿貫喜顏紅真無亂萬古精魂都著岸混沌重開顯
正宗玄元寶璧時堪翫感皇恩明詔喚兩帝三宣功德案紫衣
師號朝聖明萬靈慶會都來竄透三光昭洞煥一體通融無間
斷杳杳虛空道自然五明攢罩清涼館走雲光金雷散諸地諸
天呈手段赫赫神光晃太虛巨容浩浩超雲漢皓月堂圓明觀

玉象金獅遊內院下振黃泉竭底清太平湧湧神交換歸去來
無打算三界十方光漸滿四大空無一點塵留傳大道誰當管

會真歌

會真歌會真歌宿骨靈光事若何不論物情真富貴無窮無漏
道根科真一點沒言多空色色空莫問他心滅情忘離幻境撮
挈性命上高坡真妙用養沖和抱一無離謹琢磨混沌赤文超
造化無形水火出娑婆真內寶絕沈痾暗度清琳九曲河二十
四鎚金鎖骨尾閤關節枕鼈哦頻烹鍊莫蹉跎日月流光出黑
波顛倒循環清宇宙須知迴首看南柯重清爽滌昏魔一顆圓
明世莫過守殼盈軀隨分飽不親世上假儂儂金雷吼玉人呵

道藏輯要

雲光集

美

胃集九
XOL

脫體全空一刹那無極諸天洪正教十方三界普周羅

普救歌和丹陽韻

摺三折字

三人遭大遇性命安閑處清裏得真歡相投真實語真實語鉛
散漢鍾呂結就紫金丹汞中得真趣重陽道論量仁馬居環堵
神氣永綿綿明中自歌舞自歌舞出現真龍虎回光三界中下
方來濟度我度出幽冥從此離塵土鍾聲更莫言問之歸紫府
歸紫府信受沒爲拒聞說我宗風天人無譬譽

吟

得道吟

自從一得長生訣萬里天光如電掣日月精華補漏源真空水